

LIMBASARDA PONIMOS SAS PAGHES

Documentu pro torrare a faeddare de Unificatzione

LIMBASARDA - SOTZIU PRO S'IDENTIDADE

S'EST RIUNIDU E AT DISCUTIDU PONENDE CUSTOS PUNTOS:

1. Una limba normativizada pro totus bi servit pro chistiones

de unidade e pro si poder cumprer menzus in sos iscritos.

2. Lassare totu a sa 'naturalesa' no faghet, e nemancu a tenner duas o prus bariedades de sardu illustre.

3. Bi cheret elasticidade e voluntade de torrare a sos campidanesos su chi calencunu, fortzis no cherfende, che li at furadu: s'orgolliu de fagher parte de sos Sardos.

4. Sa proposta de LSU chi est bessida a campu no est sa menzus, no deghet a sa Sardigna de oe. Ma est s'unica chi como tenimus. Est dèbile e diat bastare pagu pro che la isconzare e derruere. Ma semus seguros chi, politicamente, custu siat pretzisu?

5. Sa LSU at incunzadu tantu acordu cantu disacordu. Est como

sempre a cando unu documentu semi-ufitziale chi diat podet esser deburradu o trovadu a in antis. Meda dependent dae sa bolontade politica de sa Regione.

6. S'arriscu mannu est chi si che torramus a mogher dae zero no si lòmpat mai prus a un'unificatzione. Sos inimigos de sa limba dian isfrutare sa situazione pro narrer chi su sardu no esistit, ma ca esistint dialetos ebia.

7. Duncas est netzessariu torrare a partire pro fagher s'unificatzione dae cussa proposta chi b'est pro la 'emendare' in d'unu tempus bastante e cun aconzos pretzisos.

8. Su Sotziu Limbasarda est disponibile pro ordiminzare atovios intro zente esperta pro iscrer unu documentu chi potat serbire a issolver sa chistione. Deppimos, a sa sarda, ponnere omnes, deppimos torrare a nos faeddare tottu impare, mancari in Quartu, unu de sos logos dae ue sa chistione est partida.

9. Su chi contat est su bene de su populu sardu e de sa limba sua e duncas cumbenit de lassare a banda odios personales e orgollios professionali pro chircare unu caminu pro nde bessire a fora de custu acorru ca semus faghende rier totu sos 'contrarios' a sa limba.

Pro su direttivu de Limbasarda

Su Presidente

Antoni Carai

limbasarda@infinito.it

N.B.

1. chie cheret su documentu cumpletu bastat chi m'isciat una e-mail e bi lu mando derettu;
2. su logu prezisu de s'attoviu bo l'amos a fagher lischire luego .